

kolĉikino ☞. Alkaloido, trovata en la semoj de l' kolĉiko : la ~o estas uzata en la medicino kontraŭ la reŭmatismo k podagro.

koledoko ♥. Kanalo, kondukanta la galon en la duodenon.

* **Kolego.** 1 Ĉiu el tiuj, kiuj plenumas saman oficon, profesion aŭ metion, konsiderata rilate al la aliaj : *kuracisto tre ŝatata de siaj ~oj* ; *viaj estroj estas periduloj k ~oj de ŝtelistoj Z.* 2 Ĉiu el la anoj de sama societo aŭ asocio, konsiderata rilate al la aliaj anoj ; *samrango : li estas mia ~o en la Akademio* ; *kiaj ~oj, tiaj kutimoj Z* ; *ne estas piediranto ~o al rajdanto Z.* 3 Tiu, kiu studas aŭ laboras kune kun aliaj ; kunlernanto, kunpenanto : *~o de vojo Z*, *de universitato* ; *nia diligenta ~aro en laboro paca ne laciĝos Z* ; *li estis la ~o de mia tuta vivo.* Kp KAMARADO, KUNUJO. ~**amo**, ~**emo**. Pensmaniero komuna al la diversaj membroj de ~aro, kontraste k kontraŭe al tiu de alia ~aro. Kp KORPORACIEMO. ~**eco**. Rilato inter ~oj : *raŭtoj de ~eco Z.*

Kolegio. 1 Aro da personoj plenumantaj religian oficon : *la ~o de la pontifikoj, de la aŭguroj, de la kardinaloj.* 2 Supera lernejo, universitato : *la Franca ~o* ; *la ~oj de Kembridge.* 3 Duagrada lernejo, malpli grava ol liceo aŭ gimnazio.

* **Kolekti** (tr). 1 Venigi plurajn personojn en unu saman lokon por ia komuna celo : *~i siajn amikojn ĉirkaŭ si B* ; *~u al mi miajn fidelulojn Z* ; *ŝi embuskas kiel rabisto k ~as ĉirkaŭ si malhonestulojn Z* ; *la vizitaĵoj ~itaj ĉirkaŭ la kameno estis ĝojaj B* ; *la kokino ~as siajn idojn sub siaj flugiloj* ; *~i trupojn, armeon, lernantojn, kongreson, konsilantaron* ; *tiu societo ~as la inteligentularon* ; *du pentraĵoj ~is ĉirkaŭ si amason da admirantoj Z* (Kp ARIGI, MOBILIZI). 2 Kunmeti apartajn objektojn por komuna destino ; *arigi disaĵojn : kiu groŝon ne respektas, ricecon ne ~as Z* ; *~i trezorojn, flugfoliojn, librojn, pentraĵojn, poŝtmarkojn, citaĵojn, sentencojn* (Kp KOMPLI) ; *la dense ~itaj tegmentoj Z* ; *kui povas ~i la venton en siajn mankaĵojn Z* ? *~i sciigojn, informojn, spertojn* ; (f) : *fine mi povis ~i miajn senordajn pensojn B* ; *estis neeble ~i (ordigi) siajn pensojn Z* ; *~i sian kuraĝon Z, siajn fortojn Z.* 3 Levi de tero k kunigi por forporti kun si : *~i pecetojn*

de rompita vazo ; *~i pajlon Z, lignon, mortintajn branĉojn por hejtado Z* ; *la formiko ~as dum la rikolto sian manĝon Z* ; *~i mortintojn sur batalkampo.* 4 Ŝiri de la trunko k kunigi por forporti kun si : *~i florojn Z, vinberojn Z, pomojn, la grenon* ; *~ado de fruktoj Z* (Kp RIKOLTI, DESIRI). 5 Depostuli de privatuloj la monon, kiun ili ŝuldas al la ŝtato, laŭ la budĝeto : *~i impostojn. ~o.* Aro da ~itaj personoj aŭ objektoj : *~o (amaso) da homoj Z* ; *~o de 20-30 personoj Z* ; *~o da libroj, da legoj* ; *botanika ~o* ; *~o da medaloj, jar~o de gazeto* ; *tiu frazo estas nur bele sonanta ~o da vortoj Z.* ~**isto Z.** Oficisto, kiu ~as la impostojn. ~**igi.** Sin ~i aŭ esti ~ita ; kunveni, kunigi, amasiĝi : *amaso da zumanaj insektoj ~igis ĉirkaŭ ni* ; *~igis kongreso el fakuloj Z* ; *la larmoj ~igis en siaj okuloj Z* ; *sub la sankta signo de l' espero ~igas pacaĵ batalantoj Z* ; *li mortis k al~igis al sia popolo Z* ; *baloj k ~igoj sekvis unu la alian Z* ; *la ~igojn de la akvo Dio nomis maro Z* (Kp KUNFLUI, GRUPIĜI). **En~i** (tr). Kunigi en unu tuton por konservi are : *en~i grenon Z, vinberon Z, ovoj Z* ; *ni similas al akvo, kiu estas verŝata sur la teron, k kiun oni ne povas en~i Z* ; *en~ado de fruktoj Z.* **For~i** (tr). Kunigi k forporti, tiel ke nenio plu restu sur la loko. **Ŝir~i** (tr). ~i 4 : *ŝir~i florojn Z.*

Kolektiva. 1 Kuniganta plurajn personojn por komuna agado : *~a verko, protesto, vizito.* Kp OPA, KORPORACIA. 2 (G) Kuniganta plurajn personojn aŭ objektojn sub komuna nomo : *~a vorto.* ~**o.** Aro da personoj komune agantaj aŭ laborantaj aŭ kunigitaj per komunaj interesoj. ~**ismo.** Socia sistemo, kiu starigas la ~an proprecon de ĉiuj produktrimedoj, anstataŭigas la kapitalistan konkuradon per socia organizo de la laboro, k dispartigas la ~ajn produktojn proporcie je la kvanto de la plenumita laboro.

koleopteroj ☞. Ordo de insektoj, kies flugiloj estas kovritaj de rigidaj organoj t. n. elitroj, kiuj ŝirmas ilin, kiam la insekto ne flugas.

* **Koleri** (x). Senti fortan agiton de la animo kontraŭ iu, kiu ofendis aŭ mal-kontentigis nin : *~i iun Z, kontraŭ iu Z* ; *la batalantoj ~kriis.* Kp BOLI, FLAMIĜI, EKSPLODI, FURIOZI. ~**o.** Sento de tiu, kiu